

佛說心明經

西晉三藏法師竺法護譯

聞如是一時佛遊王舍城靈鷲山與五百比丘四部眾俱佛以晨旦著衣持鉢往至一縣而行分衛諸天龍神追於上侍到梵志館門外而住分衛佛放大光普照十方時梵志婦執爨炊飯見光照身身得安隱解慳無量心自念言今此光耀不似日月釋梵四王諸天之明躬荷熙怡不能自勝還顧見佛端正姝好如星中月竒相巍巍眾好具足諸根憺怕無有衰入逮最上寂得第一定如日初出現于山崗如轉輪王臨幸大殿寶臣翼從又若帝釋顯據切利猶梵天王於第七尊如高山雪岡反君永灼普現倍加踊躍重自忖惟今得覩佛及眾弟子誠副宿願欲以食饌奉進正覺隱察愚夫不信道德志存邪疑六十二見見我所施必興結恨宿命愆咎失雄猛男嬰墜女像羈制於人欲施聖尊不得由己宜順

羊九

四

護意當如之何便即壓飯取汁一杓以用上佛佛之威神鉢中自然有百味食佛時達觀口歎頌曰  
 假以馬百疋 金銀校鞍勒 用惠施於人  
 不如杓飯汁 設以七寶車 載滿諸琦珍  
 杓飯汁施佛 其福過於彼 若施白象百  
 明珠瓔珞飾 供佛一杓汁 其福超彼上  
 如聖轉輪王 普賢王女后 端正無有比  
 七寶瓔珞身 如是之妙類 其數各有百  
 悉以配施人 不如一杓汁  
 於時梵志靜住而聽聞佛所歎心懷疑惑前問佛言一杓飯汁何所直也而乃稱讚若干寶施象馬車乘不可訾數而云不如杓飯汁施斯之飯汁不直一錢然乃咨嗟若干億倍孰當信哉  
 於是世尊尋即顯露廣長之舌以覆其面上至梵天告梵志曰吾從無數億百千劫常行至誠六度無極施諸所安有而不惜乃獲斯

舌寧以妄語能致之乎吾欲問卿至誠答之  
曾頗往返舍衛羅閱中路見有樹名尼拘類  
蔭庇人衆五百乘車不對曰唯然有是所見  
也世尊又問其子大如答曰形如芥子  
佛告梵志卿真兩舌實如芥子樹何大乎對  
曰審爾不敢欺也

羊九

五

佛又告曰種如芥子生樹廣大地之生植適  
無所置所覆彌廣乃爾況復如來無上至真  
等正覺無量福會普勝者哉戒定慧脫脫知  
見事大慈弘哀無所不濟以饌供獻福祚難  
計梵志默然無以加報時佛乃笑五色光從  
口出照十方五趣之類天欲至人心喜餓鬼  
飽滿地獄痛息畜生意開罪除尋光來詣佛  
所諸佛笑法皆有常瑞授菩薩決遍照十方  
光從頂入授緣覺荊光入面門授聲聞荊光  
入肩斗說生天事光從齋入說降人中光從  
膝入說趣三苦光從足心入諸佛之欣不以  
欲笑不以瞋笑不以癡笑不放逸笑不利欲

笑不榮貴笑不富饒笑今佛普等愍傷羣萌  
行大慈笑無斯七也賢者阿難分別七法知  
法解義曉時了節暢衆會事思省己身明衆  
人根即從座起更整衣服長跪問佛佛何因  
緣笑願說其意

佛告阿難見梵志婦發大意乎對曰已見佛  
言斯婦壽終當轉女像後爲男子生于天上  
諸天中尊下生世間爲人中上解深妙法如  
幻如化如水中月影響野馬却三十劫當得  
作佛名曰心明如來至真等正覺明行成爲  
善逝世間解無上士道法御天人師号佛世  
尊梵志心伏五體投地剋心自責懺曰我如  
小兒愚癡闇冥懷疑猶豫不識大聖口出鹿  
言唯原罪豐佛言善哉善哉若自見過歸命  
於佛於道法律悔殃塵者其各損滅福增日  
滋梵志啓進唯垂大哀加恩矜攝令得出家  
佛即納受以爲沙門鬚髮則除法衣在身  
於時世尊講四聖諦苦集盡道梵志踊躍漏

盡意解

佛說如是賢者阿難諸四部衆天人龍神皆發道意歡喜誓首而退

佛說心明經

蔣

佛說滅十方冥經

羊九

西晉三藏法師竺法護譯

六

聞如是一時佛遊迦維羅衛釋氏精廬尼拘類樹下與大比丘衆俱比丘千二百五十人諸菩薩無央數

佛以明旦著衣持鉢與諸比丘眷屬圍遶入城分衛時有釋種幼少童子名面善悅嚴駕車乘晨朝出城遙見世尊與諸聖衆而俱發來至于佛所下車步進誓首佛足右遶三匝却住一面時面善悅憂感低頭佛以預知故而問言童子所湊而早出城心懷憂灼顏色慘感面善悅白佛唯天中天今我二親身不安和橫爲人非人所見侵媿晝夜寤寐不得